



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XXV. Die Avgvsti.

**urn:nbn:de:hbz:466:1-9625**

## XXV. DIE AVGVSTI.

P. CORNELIVS  
VISHAVÆVS.P. IACOBVS  
MIRO.15. August.  
Belga Lau-  
retii. 1559.  
Mortif.

**V**ir orationis magnæ, obedientiæ  
item, ac mortificationis. Per ip-  
sos 14. annos asperum è setis cili-  
cium diu noctuque gestavit. P. Petrum  
Fabrum vt Louanij attineret, febrim  
illi à Christo dicitur impetrasse. Pro  
eodem confanando precari Deum  
iussus fecit; & Faber conualuit. Opi-  
nio eximia virtutis fecit, vt multi eius  
acta tunc adhuc in Belgio viuentis  
conscripta circumferrent. Balinghen  
in Calendario B.V. 24. Augusti refert  
illum ad B. V. imaginem prostratum  
petiisse vbi P. Petrum Fabrum reperir-  
ret, de quo quærendo literas acceperat.  
Iussum esse secundum cœnobium  
S. Dominici dextrum viæ latus ingre-  
di; & ad sinistram, tertiæ domus por-  
tam pulsare. Paruit; & quæsitum P. Fa-  
brum istic reperit. In Belgio, & Sicilia  
Deiparæ dictus est *paranymphus*, quod  
mirâ verborum efficacitate tot Chri-  
sto sponsas in cœnobia adduceret.  
Cuidam id vehementer horrenti ob-  
crinem rutilum quo splendebat, ex  
vero prædixit penas daturam in ca-  
pillis, quos pro Deo præhaberet. Bre-  
ui capilli morbo illi defluxere, ac illa  
se in cœnobium dedit calua. Aliquan-  
do peccatum silentio in confessione à  
quodam dissimulanter pressum, ipse  
eidem prodidit, illo ita perculso vt hu-  
mi sui haud compos conciderit. Mira  
illi gratia erat in dæmonibus exter-  
minandis, & cordibus tranquillandis,  
Eius virtutum exempla & documenta  
quæ dabat latè prosequitur è Societa-  
tis historia, & aliis, Alegambe in eius  
vita.

Oratio.

D. V.

Vocatio.

Confessarium.

**F**requens illi erat pane & aquâ de-  
finitum ieiunium: gestabat semper  
thoracem cilicium nodis intextis as-  
perum, nec non laminam crebris cu-  
spidibus alterâ eâque pectori adstrictâ  
parte asperimam; quam tamen sacri-  
ficaturus deponebat, ne dolor mentē  
distraheret. Ferrea catena lumbis eius  
longo vsu immersa non sine periculo  
est exempta. Lectionem spiritualem  
plurimis lachrymis interrompebat.  
Orandi non assidue tantum sed &  
reuerentiâ incomparabili mirabilis,  
diu abdebat sese, annonâ modicâ cō-  
tentus, & se coram Deo deprimens  
ac in angulum vel sub mensam abie-  
ctus; cum locum non inueniret in quē  
se coram tantâ maiestate demitteret.  
Et tamen officio suo non deerat, seu  
scholas seu Collegia, seu Prouinciam,  
gubernaret. Huic magnæ mortifica-  
tionis, orationis, sapientiæque viro P.  
Euerardus Mercurianus cōmisit col-  
ligendum ex instituto summarium &  
Regulas: ratus illas non ab aliâ manu  
debere conscribi.

Hispanus  
Rom r. 15.  
Aug. 1590.

Mortif.

Lectio.

Oratio.

Humilit.

P. PETRVS

MICHAEL BRILMACHER.

**C**um quâ voce, quâ libris typo e-  
ditiis hæreticos ad silentium vs-  
que compelleret, propinatum ei ab il-  
lis venenum est, quod nullis planè  
pharmaciis domari ac vinci potuit. Vir  
fuit magni animi, linguarum peritus,  
felicis eloquentiæ in conuersione mul-  
torum;

Germanus  
Moguntia.  
25. August.  
1595. erat.  
43 Soc. 37.  
Fides.

QQ 2

torum;

torum; apprimè charus Principibus,  
& humanitate ac humilitate prorsus  
eximiâ.

P. I A C O B V S  
SALAZAR DE PORRES.

Hispanus  
Compluci  
25. Augusti  
1596. ætat.  
57. Soc. 16.

Peregrina-  
tiones.

B. V.

Imago.  
B. V.

**H**ierosolymam profecturus, & no-  
men Matris assumpturus, *se-  
filium Maria de stella* (id est, Beatissimæ  
Virginis) nuncupavit. Peregrè profe-  
ctus, ubi ubi poterat Beatissimæ Virgi-  
nis templa inuisere, minimè omitte-  
bat, ita ut S. Iacobum inuisurus, pere-  
grinationem à *B. V. de charitate* dicta  
inchoârit, & in *B. V. de Conceptione*  
absoluerit. Ita reliquas etiam peregrina-  
tiones ab illius templo aliquo inci-  
piebat, & in eiusdem templo alio ter-  
minabat. Romam appulsus, ante om-  
nia *S. Mariam maiorem inuisit*. Laureti  
nouies diuino sacrificio precatus per  
nouem dies manè ac vesperi totus e-  
rat in illo sanctuario fundendis ad Dei  
matrem precibus occupatus. Longum  
esset omnem Catalogum texere sa-  
crarum *B. V. adium*, quas in Hispania,  
Italia, Germania. uisitauit. Deiparæ  
imaginem secum gestabat semper; cū  
illa ceu cum consultrice itineris co-  
mite, duce, magistrâ, vehiculo, suo  
solatio suauiter ac sapius collocutus,  
mirabili & confidentiâ & efficacitate.  
Non semel in arcto positus ad imagi-  
nem illam dixit: *Nunc, Domina, nunc  
age quod matrum partium est: nec enim  
superest in hominibus quicquam auxilij aut  
consilij*. Et feliciter eueniebat quod pe-  
tebat. In diuersis imaginem Beatif-  
simæ Virginis, sarcinæ imponebat,  
aiebatque; *Domina custodi teipsam &  
hunc fasciculum*. Tum foras exibat,  
redibatque nullâ re vnquam deperdi-  
tâ. Illi passus singulos & labores de-  
dicabat. Mantuæ pedem cereum ob-  
tulit *B. Virgini*, & cor unum; petiitque

læssum suum pedem ab illa perfanari.  
Et sanatum sensit, eodem die 4. millia  
passuum profectus ad sanctorum reli-  
quias uisitandas. Non secus atque ad  
matrem ibat ad Virginem, quicquid  
pro se vel aliis petendum forte occur-  
reret; eius ope vsus etiam feliciter ad  
angelicam puritatem. Moriens incre-  
dibili significatione suauitatis aiebat  
se Beatissimæ Virginis filium esse; illius  
filium esse se, nec scire satis diserte e-  
nucleare quo modo esset illius filius.  
Plura de illo in uita.

P. M I C H A E L  
CARVALLIUS.

**O**lim puer Isaacū egerat in thea-  
tro, ut suæ morti præluderet; ad  
quam per magna pericula virtutesque  
peruenit. Aliquando biremi fractâ,  
natau euasit ad littus. Omnes quæ ad  
spiritum attinent functiones, flexis  
genibus obibat. Diuino sacrificio ce-  
lebrando se per horam solidam præ-  
parabat, & aliam horam integram da-  
bat reddendis gratis. Beatissimæ Dei  
Matri religiosè addictus quotidie se  
cædebat, cilicio quâ è fetis texto, quâ  
ferreo persæpè accinctus. In Iaponia  
ærumnæ illi in deliciis, maximè cum  
per menses tredecim in carcere se vi-  
deret; quo tempore incredibili mar-  
tyrij desiderio tenebatur, optabatque  
pro Christo particulatim incidi. Ibi  
quoque duos excubitores ad Christum  
conuertit. Ad mortem ductus, crucem  
ipse portauit, cum sociis psalmos ca-  
nens. Primus ipse palo alligatus, &  
cum illo religiosi alij plures; atque  
omnes dum arderent **I E S V M & M A-  
R I A M** pronunciauere, atque uixere.

Lusitanus  
Omu. 15  
Aug. 1614.  
ætat. 47.  
Soc. 27.  
Oratio.

Særum.

B. V.  
Mortific.

Fides.

Iesu Ma-  
ria

P. IOAN.

P. IOANNES  
NEROVIUS.

Bohemus  
Pragæ 15.  
Aug. 1656.  
Soc. 49.  
Oratio.

Pragæ aliisq; collegiis præfuit Re-  
ctor, Philosophiam & artes septē-  
nio, Theologiam moralem docuit per  
annos 14. Per annos 30. præfuit rebus  
spiritualibus. Aiunt eum annis aliquot  
meditationis consueta horam humi  
super storea prostratum executum  
fuisse. Per vndequinquaginta annos  
quibus in Societate virit, nunquam  
vel statæ meditationis horam negle-  
xit, vel somnum ultra consuetam dor-  
miendi horam extendit, imò vnus  
horæ spatio ante alios lectulum dese-  
rebat. Post Dei matrem, præcipuo  
studio colebat S. Dorotheam, quòd  
eius beneficio viueret virgo, pudore  
etiam in lubrica quadam illecebrâ  
conseruato, & post illam victoriam  
nullâ rebellionem tentato. Fufis ad Dei-

param precibus didicisse se aiebat, S.  
Dorotheam eâ dore pollere, vt suos  
clientes contra rebellatricis carnis in-  
sidias victores seruet. Pudicitia tuen-  
dæ causâ in potu cautus, dixit sub  
mortem, se nunquam vel tantillum  
supra necessitatem bibisse, quantum ad  
hilaritatem sufficeret. Per ipsos 40. an-  
nos nullum sibi diem elabi permisit si-  
ne gestato cilicio flagitque sibi infi-  
ctis etiam in morbo extremo, propè  
ad vltimum. Sextâ quavis feriâ nec in  
triclinio, nec in cubiculo alibi quàm  
humi sedit. Aiunt illum futura ex ve-  
ro prædixisse, & plures illi animas è  
piacularibus flammis apparuisse non  
semel. Quomodo euidam subuenerit  
vt otium haberet se pro felice morte  
parandi, referunt annuæ fidorum te-  
stium fide nixæ. Inter migrandum su-  
blatis manibus & extensis quasi gra-  
tum quidpiam expectantis gestu la-  
tus exclamauit: Spiritus veniunt spi-  
ritus! & expirauit.

Mortific.

Feria 6.  
Crucifixio.

Mora.

XXVI. DIE AVGVSTI.

P. FRANCISCVS P. MARTINVS  
MIROLDVS. STREDONIYS.

16 Augusti.  
Italus Bi-  
uonæ 1611.  
ætat. 55.

Charitas.

Purgator.

Mort.

Tyrone ac veteranos eâ suauitate  
rexit, vt matris loco sit habitus.  
Stipem ipse corrogauit, quâ pauperes  
virgines in matrimonio collocaren-  
tur, & quâ nosocomium iam colla-  
psum vigori pristino restitueretur. Il-  
lud etiam inter immortalia eius opera  
fuit, quòd Sodalitatem instituerit, cu-  
ius institutum est animarum è purga-  
torio liberandarum curam omni con-  
tentione suscipere. Oportabat eâ horâ  
mori, quæ suprema fuit Christo mo-  
rienti. Et verò feria sextâ sub idem  
tempus obiit, quo Christus expirauit.

Hunc mater etiamnum paruulum  
ad Claromontana Deiparæ ima-  
ginem adductum illi, pro seruo tran-  
scripsit, ac dedicauit. Et modeste glo-  
riabatur Martinus se ab eo tempore  
maternam ac planè singularem Dei-  
paræ opem vbique perferensisse. Septen-  
nis, antequam primò diuinæ mensæ  
acqumberet, se tridui ieiunio ac propè  
inediâ præparauit. In Societate Græ-  
cij dū studeret, Societatis Angelus dice-  
batur. Postea dum quâ doceret, quâ  
colloqueretur, ita castigatè ac religio-  
sè id agebat, vt Nissæ vocaretur ille

Silesus.  
Brunæ 161.  
Aug. 1649.  
ætat. 61.  
Soc. 42.  
B. V.

Eucharistia.

Mortific.

Lingua.

Pater.

QQ3